



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ილარიონი

ილარიონი, (გვარად ვ ა ჩ ნ ა ძ ე) (1767–1823 წ. შემდეგ), დავითგარეჯის მონასტრის არქიმანდრიტი XIX ს. 20-იან წლებში.

1808–10 ხელმძღვანელობდა დავითგარეჯის მონასტრის შეკეთებას, რ-იც იოანე ბატონი-შვილმა საკუთარი სახსრებით წამოიწყო. 1811 განაახლა ფერიცვალების ეკლესიის სამხრ. კედელი. ი-ს დროს მონასტერი ეკონომიკურად დაწინაურდა. 1813-იდან მართავდა ნეკრესის ეპარქიას. 1817 ბრალი დასდეს საეკლ. ქონების დატაცებაში, თუმცა 1820 გაამართლეს და აღადგინეს თავისსავე სამწყსოში.

1823 წ. 7 სექტემბერს განმარტოვდა კარდანახის წმ. საბას მონასტერში. გარდაიცვალა იქვე.

ლიტ.: ლ ო მ ი ნ ა ძ ე ბ., ქართული ფეოდალური ურთიერთობის ისტორიიდან (სენიორიები), [ტ.] 1, თბ., 1966.

**ბ. ლომინაძე**

---